

卷一百二十六

明倫彙編 家範典 卷一百二十六

忠貞堂 忠貞堂 忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

忠貞堂 忠貞堂

聖簡錄卷二百二十六

明刑部員外郎仁和弘齋邵經邦學

皇清翰林院侍講士四世孫遠平校閱

載記 金內族六

婁室

子活女謀衍石古乃

銀木

子發英弟麻吉拔離連

習古迺

孫襄附王渥思烈

胡實改

阿魯捷懶

蒲盧火

子吾札忽附神土懋

撒改

吾母

阿里刺三寶崇成阿喜

婁室字幹里衍父白荅為完顏部上水諸部長太祖克寧江州

使婁室招諭係遼籍女直遂降移祿益海路太彎照撒等敗遼

兵于婆刺趕山復擒兩將軍降益改捺末懶兩路進克咸州諸

部相繼來降獲獲遼北係籍女直值都統耶律訛里朶朶二十

餘萬戍達魯古城與銀木可繼兵衝其中堅凡九陷陣皆力戰

而出復與銀米可成邊及九百奚營等部來降又同攻黃龍府
取以完顏渾黜婆盧火石古乃兵四千敗遼兵萬餘于白馬濼
宗雄等下金山縣又使分兵三千招沿山逃散之人與韓魯古
破耶律捏里軍于蒺藜山取顯州請於太祖謂黃龍府一大都
會且僻遠苟有變易與隣郡相扇而起太祖然之命以所部合
諸路謀克爲萬戶屯守其地再進都統從杲取中京與子活女
從宗翰襲奚王霞末活女兵三百敗敵二千降奚部西節度訛
里刺追遼主至白水濼獲其內庫寶物與閣母攻破西京夏人
救遼兵次天德候兵突撚補斡二百騎敗沒阿土罕復以二百
騎往遇伏獨白脫歸時久雨諸將欲且休息奮語吾兵再破若
不復往彼將以我爲怯亟選千騎與弟拔離速及習失往韓魯
壯其言從之婁室遲明出陵野嶺留拔離速兵二百據險守之

獲生口聞其帥李良輔將至登高望之夏人方濟水爲陣恃衆不整使人速報幹魯婁室乃分軍爲二更迭出入轉戰三十里過宜永與幹魯合擊敗之又與照里馬和尚生獲遼都統大石於奉聖州龍門東二十五里悉降其衆守臣闕里刺榑州城遷去又與宗望追遼帝敗其三千軍于三山有千人將趨奉聖州復與蒲察擒其主帥而還夏人屯可敦館宗翰遣往戍朔州築城於霸德山西南二十里遂破朔州西山兵二萬擒其帥趙公且以獲遼帝于余睹谷賜鐵券銀朮可圍太原宋統制劉臻率衆十萬來救出壽陽破之繼敗榆次兵數千宋張灝軍出汾州拔離速擊走之灝復營文水再與突葛速拔離速大敗之取汾石二州及其屬縣溫泉方山離石蒲察降壽陽取平定軍及樂平復招降遼州及榆社遼山和順諸縣遂自平陽先趨河南破

宋步兵於孔子廟南遂降河陽取偃師永安軍降鞏縣撒剌答
敗宋兵於汜水降滎陽滎澤鄭州中牟又遣率師趨陝津攻河
東未下郡縣阿離土罕敗敵于河上撒按敗敵于陝城下鶻沙
虎降虢州守裨卒三百人遂克陝府習古乃桑袞破陝之散卒
于平陸西北婁室破蒲解軍二萬盡覆之安邑解州皆降遂克
河中府降絳慈隰石等州又使取陝西敗宋將范致虛軍下同
華二州克京兆府獲宋制使傅亮遂克鳳翔宗翰命婁室專事
陝西以婁盧火繩果監戰遇敵於蒲城及同州臨真皆破之進
克丹州延安府遂降綏德軍及靜邊寧遠等城寨十六復破青
澗城宋安撫使折可求以麟府豐三州及晉寧所部九寨皆降
惟晉寧軍久不下規其城中無井日取河水爲飲東決其渠泄
之城中始困殺守將徐徽言遂降定襄堡渭平寨及鄜坊三州

詔以婁室婆盧火守延安折可求屯綏德蒲察還守蒲州延安
鄜坊皆殘破人民存者無幾爲置官府輯安之別將幹論等與
阿盧補謀里也至三原建昌軍復叛討平之進兵降乾州克邠
州軍于京兆所降城邑多叛上以爲倦于兵命宗輔代之與張
浚戰于富平會宗弼左翼軍已却婁室力疾以右翼鏖戰遂破
巨敵宗輔稱其力徇王事雖古名將何以加之輟所用犀王金
銀器及甲冑并馬七匹與之天會八年十二月丁丑薨贈太子
太師泰寧軍節度使兼侍中皇統元年加贈開府儀同三司追
封莘王正隆例改金源郡王配享太宗廟庭諡莊義 活女年
十七從攻寧江州力戰創甚扶出陣間太祖憑高望見知之撫
慰賜藥歎以他日必爲名將攻濟州敗敵八千復戰信州移刺
本陷敵陣力戰出之敵遂北又敗耶律佛頂等兵于瀋州從攻

乙室部破其三營。逆刺部族叛。率三謀克突入大破之。從圍太
原。宋將种師中援兵十萬出井陘。敗之于殺熊嶺。斬師中于陣。
大軍至河。無船不得渡。父遣率兵三百循水上下。自孟津而南。
度其可渡。引以先濟。大軍皆隨之。宋將郭京出兵數萬趨父營。
活女從旁奮擊衆亂。遂破之。師還復破敵於平陸。渡得其船。以
濟。又捷於張店。原時屯招太平翼城皆有重敵。並破之。又分兵
取陝西蒲州。降卽留鎮之。攻鳳翔。先登。宗輔定陝西以爲都統。
進攻涇州。敗王開山以兵拒歸路。邀戰再擊敗之。遂降京兆鳳
翔諸縣。襲父合扎猛安。代爲黃龍府路萬戶。天眷三年爲元帥。
右都監。遷左監軍。府罷。改安化軍節度使。歷京兆尹。封廣平郡
王。正隆例改封代國公。進隋國公。卒年六十一。諡貞濟。次子
謀衍。勇力過人。善用長矛。突戰天眷間。克牌卽祇候。授顯武將。

軍擢符寶郎皇統四年其兄讓以親管與吉猛安俄權濟州路
萬戶八年爲元帥右都監天德三年授順天軍節度使歷河間
臨潢尹數月改婆速路兵馬都總管往討撒八遇世宗于常安
縣盡以甲士付之。因率諸將吏民勸進卽位拜右副元帥命伐
白彥敬志寧於北京遇其衆于建州之境皆不肯戰二人遂降
會討窩斡屯兵懿州慶雲縣及川州武平縣奏請糧運并護送
兵仗詔以南征逃還軍士就往如不足量於富家簽調率諸軍
將會濟州時賊新敗于泰州獲其謀者知敵將由別路邀糧運
遂分軍往迎之以貪鹵掠不復追敵得縱去。上聞之下詔切責
朕委卿等討賊乃聞不就賊趨戰而駐兵閑緩經涉累月雖曾
追襲不由有水草之地以致馬足疲弱不能百里而還後雖破
賊又縱諸軍刼掠數日後方追北霧霰河輒復引還朕欲重譴

以方任兵事。且圖後功。當盡心一力。毋得似前怠弛。其子斜哥暴橫軍中。勒歸本貫。謀衍至京師。以同判大宗正事未幾。速頻路軍士木里古告斜哥寄書與謀衍謀反。世宗察其誣。詔鞠告者誅。木里古仍召謀衍面諭。宜悉朕意。上初慮窩斡方熾。而溫迪罕阿魯帶因妻生日。輒離軍中。賊衆聞之。來襲殺傷士衆。遂坐除名。詔謀衍蒲察烏里雅蒲察通引兵三千擊之。擒賊黨猛安合住未幾。窩斡平。乃還。大定七年。上因其故老。欲均勞逸。出爲北京留守。御便殿。賜食及御服衣帶佩刀。尋改守東京。封榮國公。十一年薨。年六十四。爲人性忠厚。善擊毬射獵。時論以爲雖智畧不及其父。而勇敢肖之。又次石古乃名仲。體貌魁偉。近女直契丹漢字幹魯。愛其才。欲使通吏事。每視事。常令在左右。遇事輒問之。應對如響。嘆以必爲令器。皇統初。克護衛授世

襄謀克天德元年攝其兄濟州萬戶部內稱治除濱州刺史母
憂起復知積石軍事轉河南尹同知正隆伐宋爲神勇軍副都
總管還除大興尹同知將兵二千以脩契丹遷西南路招討使
兼天德軍節度使政尚忠信決獄公平蕃部不敢寇邊召爲左
副都點檢宿衛嚴謹小心畏愼每事有規矩後來者守其法莫
能易世宗常語侍臣遇仲人直朕寢益安五年宋人請和爲報
問使請與宋主相見禮儀論以親起立接書則授之及至遂一
如禮上嘉之轉都點檢兼侍衛親軍都指揮使遷河南路統軍
使論以江淮重地益宜勉之賜廐馬金帶玉吐鶻復有罪解職
久之起爲西北路招討使改北京留守卒族子海里體貌豐
偉善用稍從婁室爲黃龍府萬戶徙於孰吉訛并復從追及遼
主於朔州阿敦山婁室遣與朮得往見遼主論之使降時已窮

蹙待於阿敦山東婁室因獲之賞金銀幣帛錦絹宗輔經畧陝
西戰却吳玠軍於涇邠之南尋遣修棧道宋人以兵來拒破之
又賞銀百五十兩奴婢十人天眷元年擢宿直將軍與定宗
宗雋之亂遷廣威將軍除都水使者改西北路招討都監歷復
灤二州刺史耶盧梳群牧使迭刺部族節度使同知大興尹兼
中都路兵馬都總管改武寧軍節度使終廣寧尹年六十二
銀术可當太宗嗣位以取阿疎事久不決使與習古廼繼往還
言遼主荒于政事上下解體有可取之狀太祖信二人言自此
決意伐遼從戰達魯古城破遼兵二十餘萬語咸見婁室傳收
國二年分鴨撻阿懶所遷二千戶以爲謀克屯寧江州遼大冊
使智泥烈遣回約以七月半至盡九月未來上使諸軍過江獲
遼邊吏乙薛所使曳刺麻荅十三人兵士八人縱火於渾河以

絕芻牧太祖命釋之俄從都統杲克中京與習古廼蒲察胡巴
魯率兵三千擊奚王霞末于京西七十里霞末棄兵遯遼主西
奔天德銀术可以兵絕其後遂見獲後從宗翰伐宋圍太原未
下命留兵守其圍宋樊夔施說高豐等軍來救太原分據近部
銀术可與習失盃魯完速大破之索里乙室被宋兵近縣已降
援兵復入據太谷祁縣阿鶻懶拔離速仍拔取之預攻种師中
使幹論破其軍撒里土又敗宋軍於回馬口太原已定復攻克
汴城師還降岢嵐寧化等軍拔嵐州招降火山軍賜鐵券又取
鄧州殺其將李操等擒轉運使劉吉鄧州通判王彬宗翰會伐
康王使獨守太原天會十年爲燕京留守十三年致仕加保大
軍節度使同中書門下平章事遷中書令封蜀王天眷三年四
月癸丑薨年六十八正隆例敕金源郡王配饗太宗廟庭大定

十五年諡武襄改配享太祖廟庭弟麻吉拔离速 子穀英本
名撻懶幼警敏有志膽初卅角太祖見而奇之年十六授世襲
謀克從父伐遼爲先鋒伐宋守太原圍皆在行間屢有功宋兵
數萬來救至南關父叔與婁室等擊之當隘巷一卒揮刀向拔
离速穀英以刀斷其腕又一卒從旁刺之復斷其槍追殺之拔
太原下河東諸州攻汴京皆有功與都統馬五狗地漢上至上
蔡以先鋒破孔家軍宗輔攻開州穀英先登流矢中其口創未
愈復強起攻大名府第功次于宗弼攻東平功居最拔離速襲
宋楊州以爲先鋒又追孟后前行趨潭州宋兵駐常武選卒薄
其城敗千餘人城中出兵來戰又敗之獲馬二百匹遂攻常武
拔离速諸軍爲大陣居其後穀英以五百騎爲小陣前行馳宋
軍宋軍亂遂大敗之其周旋進退皆有法則拔离速嘆賞之後

因河東郡縣多叛。命以先鋒攻克絳川。復攻沁州。飛砲擊其右脅。昇歸營中。諸軍攻沁三日。不能下。骨陂強起。指麾士卒。遂克之。遷攝河東路都統。從左監軍移刺余睹招西北諸部將騎三千五百平其九部。獲生口三千。馬牛羊十五萬。又以先鋒破宋吳山軍。再戰再勝。斬之于隘。死者不可勝計。宋兵遞去。宗弼再取和尚原。仍以本部破宋五萬人。奪新义口。留兵守之。是夜大雪。道路皆冰。宋兵勢重。不可徑取。宋弼用其策。自傍近高山叢薄間入。出其不意。遂取和尚原。請速入大散關。宗弼止之。穀英先攻仙人關。不止。宗弼以刀背擊其兒。鑿使之退。謂敵氣已沮。不乘此而取。後必悔之。已而果然。宗弼嘆曰。既往不咎。乃班師。復爲後殿。以備伏兵。且戰且却。遂達秦中。齊國初廢。命撒离喝撫治諸郡。至同州。故齊觀察使李世輔出迎。陽稱墜馬折臂。昇

歸伺方入城詐使通判獻甲廳事隨以壯士十人。世輔自壁後突出執撒离喝變起倉卒。穀英方索馬于外不得入城門已閉。至東門遇合。荅雅領騎三十餘與斬門者而入。世輔擁衆自西門出。二人合襲之一進一退以綴世輔。慮救兵至反要撒离喝與之盟。勿使追之。穀英聞撒离喝聲與騎而歸。除安遠大將軍。礪太原尹。四境咸治。兼攝河東南北兩路兵馬。都總管會復取河南陝西地。師至耀州。宋人每旦出城張旗閱隊。抵暮而還。道隘騎不得逞。穀英請兵五百伏山谷間。薄暮先使五十人趨山巔。令旦日視城中人出閱舉旗。伏兵發。宋兵爭馳入城。穀英麾軍登城。拔宋幟立金旗幟。宋兵內外望見皆降。宋吳玠擁重兵據涇州。涇原以西多應之。撒离喝欲退守京兆。俟河南河東軍勸以我若退守玠必取鳳翔京兆同華。據潼關吾屬無類矣。不

如速戰我軍陣涇之南原宋兵必自西原來吾與斜補各以選騎五百摧其兩翼使拔离速當其中。元帥據岡阜多張旗幟爲疑兵。可以得志。從之。玠兵果自西原來。二將擊其左右。自旦至午。玠軍少退。拔离速當其前衝擊之。遂敗玠軍。僵尸枕藉大澗。皆滿。自此蜀人喪氣。不敢復出。關陝遂定。歷行臺吏工二部侍郎。從宗弼巡邊。遷刑部尚書。轉元帥左都監。天德二年。遷右監軍。府罷。改山西路統軍使。領西南西北兩路招討使。坐無功降。臨海軍節度使。歷平陽太原尹。正隆末。爲中都留守。兼西北面都統。討契丹。撤入駐軍歸化州。世宗卽位。使其姪阿魯瓦持詔拜爲左副元帥。就宣大定。改元。赦于西南西北。招討司調河東河北山東諸路州鎮猛安軍屯京畿。穀英猶豫未決。士卒皆欲歸附。乃不得已受詔。下令諸路亟泥馬槽五萬具。然後遣人宣

赦諸路聞之。以爲大軍且至。故皆聽命。元年十一月以軍至中
都。同知留守璋請至府議事。疑其有謀。陽爲許諾。率騎竟從施
仁門出。駐兵通州。見世宗于三河。詔以便宜規措河南陝西山
東邊事。三年至南京。復汝潁嵩等州縣。授世襲猛安。頗恃宿將
功。賣貨不恤軍民。詔使問邊事。不荅。謂爾解何事待我。到闕奏
陳。及拜平章政事。多自專。已所欲輒奏行之。罷爲東京留守。忿
怒不接賓客。雖貴近亦然。改濟南尹。上數以朕念卿父子咸有
大功。故授此職。卿宜知之。若復不悛。非但不保官爵。身亦不能
保也。頓首而謝。久之。改平陽尹。致仕。起爲西京留守。母憂。起復。
仍守東京。帝以上京王業所起。風俗日偷。宗室聚居。號爲難治。
卿元老大臣衆所聽服。以爲留守。當正風俗。檢制宗室。持以大
體。十五年致仕。居北京會館。太膚兩朝實錄當時舊人親見者。